



Na osnovu člana 99. stav 3. Zakona o cestama Federacije BiH ("Službene novine Federacije BiH", broj 12/10 i 16/10), federalni ministar prometa i komunikacija donosi

UPUTSTVO

O JEDINSTVENOM NAČINU OBRAČUNA ZA POVRAT SREDSTAVA NA IME NAKNADE ZA CESTE U DIJELU KOJI SE ODNOSI NA FINANSIRANJE JAVNIH CESTA

1. Pravno lice koje obavlja međunarodni prevoz lica ili stvari ili koje obavlja radove u inostranstvu (u daljnjem tekstu: vlasnik vozila) ima pravo, prilikom slijedeće registracije vozila, na povrat odgovarajućeg dijela sredstava iz naknada za ceste u skladu sa članom 88. tačka 1. Zakona o cestama Federacije BiH, za vozilo koje koristi za saobraćaj u inostranstvu duže od tri mjeseca u toku godine dana.
2. Pravna i fizička lica imaju pravo na povrat odgovarajućeg dijela sredstava iz naknada za ceste iz člana 88. tačka 1. Zakona o cestama Federacije BiH za svoja vozila koje su tokom važenja registracije, najmanje tri mjeseca prije isteka registracije objavile zbog oštećenja i rashodovanosti ili promjene mjesta registracije iz Federacije Bosne i Hercegovine u drugi entitet ili distrikt Bosne i Hercegovine.
3. Odgovarajući dio sredstava iz tačke 1. i 2. ovog Uputstva utvrđuje se tako što se iznos naknade uplaćen pri registraciji vozila u godini za koju se traži povrat dijela uplate podijeli sa 365, odnosno sa 366 dana za prestupnu godinu i dobijena vrijednost se pomnoži sa brojem dana za koliko vlasnik vozila ima dokaze da je vozilo, za koje traži povrat, koristilo u inostranstvu duže od tri mjeseca, odnosno dokaze za objavljeno vozilo zbog oštećenja i rashodovanosti ili promjene mjesta registracije iz Federacije Bosne i Hercegovine u drugi entitet ili distrikt Bosne i Hercegovine.
4. Zahtjev za povrat sredstava iz tačke 1. i 2. Ovog Uputstva, vlasnik vozila podnosi cestama Federacije BiH i nadležnoj kantonalnoj ustanovi za ceste.

Zahtjev za povrat sredstava se podnosi navedenim organima najkasnije u roku od 30 dana prije isteka registracije vozila.

Uz zahtjev je potrebno priložiti:

- dokaz o uplati godišnje naknade,
- dokaz nadležnog organa da je vozilo u toku godine za koje je uplaćena naknada za registraciju, korišteno za saobraćaj u inostranstvu, duže od tri mjeseca u toku godine,

- dokaz o odjavi vozila radi oštećenja i rashodovanosti ili promjene mjesta registracije iz Federacije Bosne i Hercegovine u drugi entitet ili distrikt Bosne i Hercegovine, izdat od nadležnog organa unutrašnjih poslova.

5. Ceste Federacije BiH, odnosno nadležna kantonalna ustanova za ceste donosi Rješenje po zahtjevu za povrat odgovarajućeg dijela sredstava iz tačke 1. i 2. ovog Uputstva u roku od trideset dana od dana prijema zahtjeva, a najkasnije do isteka registracije vozila.

Protiv Rješenja iz stava 1. ove tačke, vlasnik vozila može podnijeti žalbu federalnom ministru prometa i komunikacija u roku od 15 dana od dana prijema Rješenja.

6. Povrat sredstava na ime naknade po Rješenju iz tačke 5. stav 1. Ovog Uputstva, Ceste Federacije BiH, odnosno nadležna kantonalna ustanova za ceste će uplatiti na račun vlasnika vozila.

7. Danom stupanja na snagu ovog Uputstva, prestaje da važi Uputstvo o jedinstvenom načinu obračuna za povrat sredstava što se uplaćaju pri registraciji motornih i priključnih vozila ("Službene novine Federacije BiH", br. 48/03).

8. Ovo Uputstvo stupa na snagu narednog dana od dana objavljivanja u "Službenim novinama Federacije BiH".

Broj 08-02-2-1445-11-0/10
13. oktobra 2010. godine
Mostar
